



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600

Hmasawanna Thar Vol - 32/176

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## JAC le sawrkar in inbiékna nei nawk; a hlawsam hri Charter of Demands lai District thar 7 hai lakkir ding a thang nia hril

CCPUR/IMPHAL : Chief Minister Secretariat, Conference Hall, Imphal-ah April 10, 2017, 11:00AM khan Manipur Chief Minister N. Biren Singh inrawinain Joint Action Against Anti-Tribal Bills (JAC-AATB) chun a vawihna dingin Manipur sawrkar palaihai leh inbiékna an nei nawk. Hi huna hin JACAATB in sawrkar kuoma Charter of Demands an peklut hai darkar 3 chungzet hritlang a ni a, sienkhawm inbiékremna a um thei hri-naw leiin inbiékna hi suk-tawp a ni a, inbiék nawk ding hun hriet a ni ta nawh tiin ei thu dawngna chun a hril. Inbiékna hi zani zantieng 2:30PM chen kha nei nia hril a nih.

sawrkar kuoma an peklut hai lai hin mipui ditna anga tlangmi hai inhum-himna ding (constitutional safeguard) Sixth Schedule sukpuiting ding; Anti-Tribal Bills dodalna le inzawma thina tuok sungkuo hai zangnadawmna Rs. 10 lakh seng le hliemna tuok hai Rs. 1 lakh seng pek ding le thina tuok sungkuo hai sawrkar sin pakhat seng pek ding ti le Charter of demands-ah Congress sawrkarin Manipur-a District thar 7 a siem belsa hai lakkir (rollback) ding ti a thang niin Imphal-a ISTV le Impact TV News hai chun a puong. JACAATB hin demand an nei belsa teu leia inbiékna hi duthusama fe tuong thei lo niin ei thu dawngna chun a hril bawk.

JACAATB le Manipur sawrkar han zanita inbiékna an nei huna hin JACAATB tieng chu Chief Convenor H. Mangchinkhup in an rawi a, UZO GHQ, YPA GHQ, MPC GHQ, STC GHQ, TCU GHQ etc. a thuoituhai an thang a, Manipur sawrkar tiengpang chu CM N. Biren Singh bakah Chief Secretary, Cabinet ministers, DGP le R. Sudhan, IAS, DC, CCPur hai an thang.

Hieng laizing hin, Joint Committee on Inner Line Permit System (JCLIPS) Convenor Arjune Telheiba chun, ILPS chungthuah phaimi le tlangmi hai kara inhrietthiemnawna um chingfel a ni theina dingin Hill le valley-a thuoitu han inbiékna an nei a tul thu zanita press conference huna a hril a. ILPS chungthuah tlangmi le phaimi hai kara inhrietthiemnawna um chingfel a ni theina dinga JCLIPS in hma a lak ding thu a hril.

## India le Australia han rawrala chetna dona kawnga thawtlangna ding thangin agreement 6 an ziek

NEW DELHI: Zanikhan Prime Minister Narendra Modi le Australian Prime Minister Malcolm Turnbull hai New Delhi hmuna inbiékna an nei a, rawrala chetna (terrorism) dona kawnga thawtlangna ding thangin Agreements 6 an ziek. Thawtlang dinga agreement an ziek dang hai chu- civil aviation security, sports, health and medicine le satellite navigation hai an nih. Australia PM Malcolm Turnbull hi zani zingkar khan Rashtrapati Bhawan-ah lawmlutna nei a ni a, Rajghat-ah khawm fe in India pa Mahatma Gandhi inzana inentirin a statue-ah par inhlan a nei.



hai hmabak pei ding chu Indian ocean tuipuiin a thlung zawm tlat niin a hril. Australia le India hai chu democracy principles le dan (law) thuhmun nei an na, inzawmna suknghet nawk

zuol a ni theina dingin, Australia PM in economic thlura inlaichinna sukhrat dinga intiem a nuom thu PM chun a hril.

theina dingin research le education tiengna thang thlang a pawimaw a. Lo-neituhai thanga mi nuoi telin hamthamna an chang theina ding sukchiengtu chu Mawt le thlai dang

dang chingna kawnga int hangpui tawna ding hi a nih. Education tiengna in-sukhmasawn tawn ding chun, student hai inth-lengtuo ding a na, India hmuna institution class insangtak siem chu Australia thiltum a ni thu PM chun a hril.

tawk hle thu PM in a hril bawk.

Australian Prime Minister Malcolm Turnbull in press statement a siemna a chun, cricket chau nilovin, mipui ro-inrelna, democracy le dan (law) thuhmun nei an nina chun India le Australia hai nget taka a thlungzawm tlat thu a hril. India chu khawvela democracy rambung hai laia lientak le hawtlingtak a nina chu a lawmpui thu a hril a, hriselna huong thangin Australia le India hai chu research institutions haia inzawmna dettak nei an ni thu Australia PM chun a hril bawk.

Australia PM le PM Modi hai chun video conference fetlhengin Gurugram hmuna Nano-Tech-nology hawngna an nei.

### Class IX student Truck in a rawt hlum

IMPHAL: Zani zantieng 4:00PM vel khan Imphal East-a Merit Scholar English School, Ucheekon-a Class XI inckhulai Mis M. Tanu, d/o M Hemochandra le M. Langlen chu Keirao Bitra Mutum Leikai hmuna Truck No MNO1-5632 in a rawt hlum.

### Forest & Env.Minister in Loktak Dil a va en

IMPHAL: Forest & Environment Minister Th. Shyamkumar Singh chun zanikhan a hmun ngeiah Loktak Dil ngirhmun a

va en. Minister hi Principal Chief Conservator of Forest P.N. Prasad; Loktak Development Authority (LDA) Project Direc-

tor L. Dhagaton Singh le Officials dang han an zui. Loktak Dil le a se vela chenghan fak le dawn, sum le pai an hmuok theina dingin Rural Tourism indin dinga hma lak a ni thu Minister hin a hril. Loktak Dil sukfai, cheimawi le humhalna dinga sawrkarin hma a lak ding thu le hi Dil bula sawrkar rama um hai in-sawndawktirna sin chu fimkhur taka thaw a ni ding thu Th. Shyamkumar chun a hril.

### HAC Chairman thlang-na April 12-ah

IMPHAL: M. Ramani Devi, Secretary, Manipur Legislative Assembly chun Hill Areas Committee (HAC), Manipur Legislative Assembly thlangna chu April 12, 2017, 11:00AM a Committee Room, Manipur Legislative Assembly Secretariat anei dingin zanikhan Notification an suo. Hill Areas Committee, Manipur, Legislative Assembly member-hai chu hi inthlangna thang seng dinga inhrietir an nih.

HAC Chairman dinga dit nei le pelut nuom nuom member-hai chun wawisun chawhnung hma ngein hmang pelut thei an tih. HAC Chairman election huoihawttu ding hin Manipur Governor chun HAC member V. Hangkhanlian a ruot. BJP chun Henglep A/C a inthawka BJP ticket-a thlangling T. Thang-zalam Haokip chu HAC Chairman candidate dinga an ruot ring a nih.

### CHANCHIN LAKTAWI

#### Class XII Exam sunzawm

CCPUR: March 20, 2017 a inthawka COHSEM huoihawta hnuoia Class XII Examination, 2017 tana lo um ta chu sunzawm pei a ni a, zanikhan Mathematics subject exam nawk a nih.

### ADC Schools hai siemthat dan ding an hritlang



Khengjang Junior School, Khoirengtak Junior School, Kangathei Junior School, Thengjang Junior School, Mandot Juior School le Tangmual Junior School hai an nih. Schools 4 haia chun hmang thei dinga sanctioned umsa a ni a, sienkhawm Schools 10 a ding proposal peklut niin ei thu dawngna chun a hril.

CCPur-a chun Exam Centre 4- Rengkai Govt. Hr. Sec. School, Donbosco Hr. Sec. School, Rayburn College le V.K. Tawna College hai hmang a nih.

CCPUR: Mr Langkhan-pau Guite, Chairman, ADC, CCPur inrawinain zani sun dar 12 khan ADC/CCPur hnuoia School Headmasters/Headmistress han ADCC Meeting Hall, Tuibong hmuna joint meeting an nei a, hi huna hin Headmaster/Headmistress 149 vel an thang a, District Council hnuoia Schools umhai siemthat dan ding chungthu le Biometric Attendance chungthu hai an hritlang. Tuchena hin

Council hnuoia Schools 11 haiah Biometric Attendance hmang tan a ni ta a, sawtnawte hnungah Schools 10 haiah Biometric Attendance system hmang nawk tum a nih. Tuchena ADC hnuoia Biometric Attendance hmangna Schools 11 hai chu- New Lamka Upper Primary School, N. Muol-hoi Junior School, Thangkangphai Junior School, Tuinom Junior School, Khomun Junior School,

### Congress team in Sirarakhong an va sir



IMPHAL: Zanikhan Manipur Pradesh Congress Committee (MPCC) President, T.N. Haokip inrawinain Congress team chun mimkei nasa tak thlungna Sirarakhong, Ukhrul District an va sir. Mimkeileia harsatna tuorhai chu Congress party khawma an thei ang ang an thangpui ding thu T.N. Haokip chun harsatna tuorhai kuoma a hril. Chuna, an party chun In a suksiet hai bawl that pek dinga state sawrkar an nawr ding thu T.N. Haokip chun a hril bawk.

### PTC in MLA hai CWC a laklutna

CCPUR: Paite Tribe Council (PTC), GHQ chun April 13, 2017, 7:00AM khin PTC GHQ Office, Hingtam Lamka hmuna Executive meeting nei an ta, MLA tling that hai CWC Ex-Officio member dinga laklutna le MLA an tling lawmpuina hun hmang an tih. Hi huna hin Guite Road siemna dinga thutlukna siema lo um ta hai enawnna le thu pawimaw dang dang hritlang an tih.

### Rifleman pahni in thisen an pek

CCPUR: Zanikhan District Hospital Blood Bank-ah nuhmei nau nei thisen chau Ms Tinghoivak (34), w/o Lianminthang of Mata kuoma Blood bank in thungkir dinga lo pek thungkirna dingin zanikhan Khuga Dam Battalion hnuoia um 6th Light Infantry a Rifleman pahni Harpreet Singh

(23) le Jarnail Singh (35) han Thisen Unit khat ve ve an pek. Ms Tinghoivak hin April 7, 2017 khan Maternity Ward, Dist. Hospital-ah nau nuhmeite a nei a nih. Tuta hmuna nau nuhmei 3 normal in a nei ta a, sienkhawm a nau 4-na le 5-na hai chu a ata atdawk an nih.

### Vawisun CM Ukhrul-ah an zin ding

IMPHAL: Vawisun hin CM N. Biren Singh chu Ukhrul-ah inzin a ta, District Administration le Ukhrul town mipui thanguola

CM lawmna programme an siemah thangin mipui pungkawm hai hmaah thu hril a tih. CM lawmna inkhawm hi TKL Ground, Ukhrul-ah nei ning a tih. District Administration le Ukhrul Town mipui chun CM lawmna ding hin hall mawi takel an bawl. N. Biren Singh hi CM a ni hnunga Ukhrul-a an zin hmasatakna ding a nih.

### GAS NEWS

Agency : KIM JOE Booking : 4th. Jan., 2017 to 4th. FEB., 2017 Delivery:11-04-2017 (TUE) Time :8AM-till stock DBC available. Enquire for NC. 19kg. available Agency : SAS Booking : 4th. Jan., 2017 to 4th. FEB., 2017 Delivery:11-04-2017 (TUE) Time :8AM-till stock STOCK : 306 Rate: Rs. 884 Bungmual Indane GV Booking upto: Feb.13-Feb.20. Stock: 306. Time:8:00 am-12:00 Songlat Indane Booking upto: Feb.22-March 10. Time: 9:00am-till stock Haran Valley, Kwakta. Booking upto: Oct. 1-Oct. 10, 2016. Stock: 306. Time: 7:30 am to 11:30 am.

### Pasal pakhat khuoiiin a bel hlum

CCPUR: April 8, 2017 zing dar 8:30 vel khan Vumhang (45), s/o Suanlianhang of Sehken Village (near Khuga Dam) chu Khuoi hawnin an bel hrawn a, na a ti em leiin District Hospital, CCPur panpui a ni a, sienkhawm damzo lovin April 9, 2017 zing dar 9:45 vel khan Hospital-ah a thi a, a ru-

ong hi zanikhan Sehken thlanmuolah vuiliem a nih. Vumhang hi ramhnuoia Hrei ha zawng le la dinga fe, chu huna Khuoi hawn a tuokfuk leia Khuoi hin an belhrawn a nih. Khuoi in an belna hi na a ti leiin an khuo a thlungzo tanaw leiin an khuo han va zawna District Hospital, CCPur an panpui a nih.

### Police han Bus parking an dap



CCPUR: CCPur Police team chun zani sun dar 11 vel khan New Bazar Bus parking hmuna Zu zawrtu hai an dap bakah Bus parking hmuna Lagao le gambling dang dang inkhel hai an hnawtdar. Hi huna hin Indian Made Foreign Liquor (IMFL), Beer le Local zu thahnemtawk tak an man bakah Lagao inkhelna set 3 le Lagao mu 18 manin Bus parking hmuna

hin an rawsiet wawng. Zu dawr le gambling inkhel hai hlukhumnaa hin AG Sharma, SDPO, Churachandpur, M. Kamarjit, Additional SP (Operation), Lhunkhomang Khongsai, Additional SP (Law) le Augustine Khongsai, SDPO, Thanlon hai khawm an thang a, hienggang gambling inkhel hi khawpui sunga an khat tawkin an check pei ta hlak ding thu an hril.

### Physics question leaked na thuah teacher 4 man

IMPHAL: Council of Higher Secondary Education, Manipur (COHSEM) huoihawta hnuoia Class XII Exam fe mekah Physics question paper leaked na le inzawmin zanikhan Police han Teachers 4 an man. Teachers 4 mana um hai chu Galaxy Institute of Sciences, Lilong a mi vang an nih. Council in hi question leaque chungthuaha Police kuomah complaint an peklut le inzawma teacher 4 hai hi man an nih.

OC Nongmaithem Mohen, s/o N. Goura of Kakching Mayai Leikai; SO incharge Depenchand of Mayang Imphal, Thana Leikai, SI N. Romesh, s/o N. Yaima hai an ni a, Police custody-ah an um mek. Secretary, COHSEM chun kum thara inthawk Examination centre list a pei a ni ta ding thu a hril a, Council Meeting nei ning a ta, chu huna ienganga action lak dim ti ngaituo ning a tih tiin Secretary, COHSEM chun a hril bawk.

Physics subject kha April 5, 2017 nia exam a ni a, question paper kha social networking site-a leaked le indar a nih.

### Police han IMFL Rs. 18 lakh chung manhu an man

IMPHAL: Zani chawhnung dar 1:15 vel khan Imphal West District Police han Sangaiprou, Imphal hmuna Godown pakhat an dap a, Zusen chi (Indian Made Foreign Li-

quor- IMFL) Rs. 18 lakh chungung manhu ding dap-dawkin an man. Zusen chi hi Brandh hnan hnan, Carton box a la um wawng an nih tiin Police chun an hril.

### Veteran polo players 2 kuomah Rs. 10,000 ve ve an hlan



IMPHAL: Zanikhan Raj Bhavan, Imphal-ah Veteran Polo players pahni Yumnam Jila Singh le Kshetrimayum Joykumar Singh hai chawimawina hun hmang a ni a. Hi huna hin Manipur Governor Dr Najma Heptulla chun Manipur Horse Riding & Polo Association, Manipur haia Veteran players pakhat ve ve hai kuomah in Rs. 10,000/- an hlan.

Dr Najma Heptulla chun, Polo hi Manipur state-a inthawka inthan a ni ang hrimin sukhing zing a tul thu, Polo hi India ram pumpui le khawvel pum huopa suklar tul a ti thu

hai a hril a. Manipur a chun Polo inkhelnaa hin Manipuri Ponies chau hmang an ni a, India ram hmun dang haia chun Sakawr lien lem hai hmang an ni a, khawvel pum huopa inelnaa hmang a ni theina dingin sakawr lien lem hai Polo khelnaa hmang thienna dinga state polo players han training an nei a tul thu hrlin, hi thua hin a tul anga hma la dingin Sports minister le Union Minister of Sports inbiékpu an pei thu a hril bawk.



**VAWISUN THUPUI**

I lungril popovin Lalpa chu ring la, nangma hriet-naa chun inngat naw rawh. I lampuihai popo chu ama inhrietir la, aman i lampuihai chu suktluong a tih. - *Thuvahai 3:5-6*

**Editorial****Inngatnatlak le ringzotlak a hung ni dim?**

Khawvel fe dan a danglam pei ang bawkin India rama khawm May, 2014 a inthawk khan Central-a sawrkar cheltu an hung inthlakthlang a. BJP thuoina hnuoia NDA in sawrkarna le rorelna an hung chel tan a. Congress party ni lovin BJP chu a roreltu tak an hung ni bakah Prime Minister thar, Union Minister thar le sawrkar officer thar hai thanguolin sin an hung thaw tan a. Sawrkar thar chun ei t awng ang tluka ei hriet le hmang lar “transparency” a hung ngaipawimawin a hung uor hle a. Sawrkar kalmhang le hmasawna sin sawrkarin a fepui dan chu mipui ta dinga inlangtlang a ni ding a nih ti a hung ni ta a. Hi lei hin transparency hi a um tak tak am ti chu mipui han hriet ei tum seng ding a nih. Hi hi ei mawphurna a nih.

Britist hun laia East India Company thungchil-tuhai Warren Hastings, Lord Cornwallis le Lord Wellesly han bureaucracy pieng hmang an lo induong a ni a. British Crown huna khawm an sawm tung pei a. British-hai khan India ram hlutzie anhriet a, an thei chen chena sawt awp an nuom a ni kha. India mihai awpde dinga hmangruo tha tak chu bureaucracy system hi a nih. Sawrkar sin peng hran hran fe thlengin mipuihai sie an lak a, dan le thupek an lo kengkaw bawk a nih. Mipui han thaw thei an nei naw a, sawrkar fe dan le sin chu mipui hriet phak a ni nawh. Mipuiin sawrkar milien le sawrkar sin chelthuhai insang taka an en theina dinga an lo cheibawl a nih.

India in zalenna a hmu hnung khawma bureaucracy system hi hmangzui pei a la ni a. Mipuiin ei ruoi sawrkar sinthawhai sin fe dan ei hriet nauw a, file fe kuol dan khawm ei hriet bawk nawh. Iem an thup ti khawm ei hriet phak nawh. Sawrkar sin invir vel chu Uipui tuilien thlir takin ei thlir ve a ni tak. Hienga mipui ei nnga invet lai hin sawrkar sinthaw, a bikin sawrkar milienhai chun fakruk dan lampui an hung keu kuo a, Corruption lampui an cho ut ut el a nih. File fe nuoi nuoi karah mipui chan ai an lo ziekbo a, an lo insuk hausa zo ta a nih. Hi thil hi a lo thawtu Britist-hai ngei khawmin an dit ta naw a, hnawlin an fesana ta a nih.

Ei ram Manipur a ngei khawm sawrkar cheltu an hung inthlak a, BJP in rorelna khawl an hung chel a. Centre-a an puhai fe dan fepui dingin hma an hung lak mek a nih. Transparency le Corruption an ngaimaw thu ei CM chun a hril inzing hle. Sawrkar fe dan a hung inthlak danglam hi sawr tangkai ei tum ding a nih. Mipui invet taka ngat kuol vel a hun tanaw a, har a nih. Sawrkar sin fe dan kalmhang le hmasawna sin sawrkarin a fepui dan hai chu mipui ta dinga inlangtlang a ni ding a nih ti a hung ni tah. Tuhin chu mipuiin ei nuom chun sawrkar file pawimaw khawm ei keu thei ta a, ei hriet nuom zawng RTI Act hmangin ei indawin thei ta a nih. Sawrkar sin invir vel chu mipui lakah hupbo hmak thei a ni ta nawh. Sawrkar milienhai khawm ei kaw thei ta a, an indiknawna chu ei hmet mit thei ta a nih.

Ei state a sawrkar tharin Anti-Corruption Cell a hung hawng a. Mipui ngaiven a hlaw a, complaint 400 chuong a lut ta thu ei CM chun a hril. Hi thil hi sawrkar tharin a tak taka a hung suizui a, suksuolto le mawphurthuhai a hrem ngam chu mipui dit dan a nih. Sawrkar hmasaa khan Corruption suitu ding Police le Vigilance an um a. Amiruokchu, mipui han ei ringzo nuw leini case pawimaw deu chu CBI or NIA insuitir dingin ei ngen kher hlak. SAWrkar tharin Corruption Cell an din hi mipui han ei ringzo am? Ringzo tlak le inngatna tlak a hung ni ding? Ngaituo chet chet a tul hle. Inngatnatlak le ringtlak (trustworthy) hung ni ngei sienla nuom a um ngei el.

Anti-Corruption Cell hin a taka hma a hung lak ngam a ni chun sawrkar officer lien suspend le lungin khum an um nuol el ringna chin a um. Sawrkar officer lienhai chau ni lovin minister hlui, MLA hlui annawleh MLA ni lai mek thenkhat khawm case inrik tak awr le lungin intang bo bik naw nihai ti chu mi thenkhat ring dan a nih. Amiruokchu, Anti-Corruption Cell hi a hmang mei mei a hung ni ruok chun umzie a nei bik ring a um nawh. Election Campaign lai khan chu BJP chu an tawng huoi hle a, an la huoi pei dim ti chu a la hung inlang ding a nih.

**Thla 12 sungin motor thar 2356**

CCPUR: Thla 12 liemta (April, 2016- March, 2017) inkar sung khan District Transport Office (DTO), CCPur a chun motor 2356 registered an ni a, hienghai laia 918 chu ke pahni nei an ni a, 1338 hai chu motor lien an nih. Motor lienhai lai hin Heavy Truck 7, Medium Truck 6, thil phur thei motor 63, Heavy Bus 2, Diesel Auto 78 le Jeep/ Gypsy 54 a thangsa. Thla 12 sung hin DTO, CCPur chun Revenue Rs 93,46,529 an hmu.

**Editorial Board**

Lalmalsawm Sellate: Editor &amp; Publisher

Roding L. Sellate: Jt. Editor

Ramditum @ Rama Ralsun: Asst. Editor

Lalsansuok Pulamte &amp;

Samuel Zothanglien@SZ Zote: Sports

Joseph Joute: Freelance

Lalruotlien Dulien: Computer Assistant

Edited &amp; Published by Lalmalsawm Sellate at HT Office,

Lighthouse Lane, Churachandpur and Printed by him at Lamka

Super Printer, Vengnuam, Hiangtam Lamka, CCPur, Manipur.

**ARTICLE/HEALTH & EMPLOYMENT NEWS**

Hmasawna Thar

**HMANGAI NUNRAWNG ZUN ZAMAH**

By: David Buhiril

*Dawn ve la nun hlui thamral hnung.**Hlimten darang lenglai ni kha;**Kei ka tawnah hlui zai rel lo,**Hmangai nurawng i zun zam hi.**(Dawn Ve La Nun Hlui, L. Keivom, 1960)*

Hmangainaa na lei ni loin hmangainaa zunin a man leiin hmangai nurawng zun zamah a lo intang chu a ni tak awm e. Kum iemani zat liem tah khan Pu L. Keivom chun, “Khawvela mihriem pakhat anga pieng ve sun sun, hlou lo lungdi (Luahlo Lungdi) nei naw hai chu mi vangduoi tak an nih”, a mi tipek a. Hmangainaa leia a hril chu ni ngei a tih ti chu ka ring hlel nawh. Hmangainaa t hang lo chun hlou lo lungdi hlak chu a um teu awm si nawh. Hmangainaa hi a thi thei nawh ti naw ruol an nawh. Hmangainaa hi inneina an naw leh kut insuinaah a tawp kher ding tina khom a ni bik hlauh nawh. “I dam am?” “Nau ieng zam i nei tah?” ti vel mei meia intuok le inpel thei khom a lo ni ve tho.

Hluo lo lungdi ti taka chun, a ni ngei, Pu L. Keivom a hrilna ki-a chun ruolhai Boaz Leiri, Lalremlien Neitham, David K.G., Edward TC Hrangate, Samuel Darsuolal le mi dang dang, an hmang hang lam remchang naw le ei lam thei naw hai po po khawmin an pawm zawng tak ni ngei a tih. An pawm them thei naw leh an nun le an tawnhriet an la del te ngai a tih. A ni si naw chun lung thlak (heart transplant) an ti amani khom an thaw hiel a ngai awm de. An nawh, hnawl ruol an nawh. Ei nei seng ie. Ei lo va vangei tawl de e!

Shakespeare lem chu a drama zieka changtu tak chu hmangai nurawng intem deu vawng an lo nih. Zeldinna rama tienami pholang mei mei chu a lo ni hmel naw ngei. Tawnhrietin a hemde le a kurinkukupi tu an chai a lo ni nuom lem awm ngei. Eini rawi chun tlawm thil le muolpho thilak ei lo sie nuom hlak khawm a ang; amiruokchu literature nei ding chun nun pholang hi makmaw thil a lo nih. Ei ngam si naw chun, an naw leh ei thei si naw chun phuokfawm literechar amanih phuokfawm histawri amanih intang duon suok thei a lo nih. Romeo le Juliet, Anna Karenina, Madame Bovary, Tristan le Isolde, Cleopatra le Mark Antony, Paris le Helena, Napoleon le Josephine, Shah Jahan le Mumtaz Mahal le mi dang dang hai inuoina zun zam natzie thu hre inla khom ei kalchar le histawri ril rem zawnga hmangai nurawng zierang ei paw si naw chun ngaizawng ding ei hau lawm lawm nawh.

Ka suongtu a, khang hun lai khan Pherzawla Pu Keivom hnung zuiin a themthainu inah kan leng kha ni sien chuh an hril van ram tla fuol thlirtu chu ni ve ding ka na. Annawleh an biethu tiem ding inhawmthaw luotin nghawkuma inchang lem thei khawm ka ni bawk. Kailam hnuoia hmelt'haa an hril Darkaizo, Zawlkhawpui suknauwitu chu Keivom runtu a lo ni ngei. A sangnu khawm Pu Lal Dena'n a lo kurinkukupi ni mei a tih. An hril ngei. Hril a bang thei bik nawh. An putu chun Zawlkhawpui dai re-ah biethu intiepmu malamin hmawnglawr lo ding an fepui hlak a ni thu khom an hril ngei. In tieng hmawnglawr an hawn kir lem chu hril ding an nei rak nawh. Chu hmawnglawr kung umna tieng chu Pu Lal Dena chun Pherzawl district ei lawm tum kha a la va sir hman hram a; tha taka inhuon khawm a rawt ngei. An tu le phun ni mang si lo, sienkhawm inhuon t ul khawpa um chu inhuon tlak a nih. Inhuon hram raw se.

Anni hun lai khan ‘Helen of Troy’ hre naw hai sienla khawm an hril “Kailam hnuoia nunghak hmelt'ha” ngaizawng thei chin chu an lengna le an siena khawvel chu dang hret a tih. Mathematics-in a tuor pha a, pawlsawm wavi hnih tling nawpui tham chu a ni ngei an ti ve tho. Hmangai nurawng tawng ta chin hai chun hre them mawl raw hai se.





Tuta tum Pu L. Keivom hung suok chu a chung a hla changtumu, Pi Dari chu Saidanah kan hang kan a. Damnaw kanin kan kan ve tho ie. A hmang tawi zawngin Pi Dari ti el ei tih; Darkaizo lem chu a na. Hluo lo lungdihai inhuoia khawm hreputu ding ni awm taka fe hrim khawm ka ang. Khuonu remruot ei ti ang deu khan. Hlaa ei lo sak hlak, a tak ram khawm tling thei ta bawk si lo le a tehlem ram ti ding ni bawk si lo khawvel, a changtuhai kim thapin, kan intawng khawm zet chu ka hambai deuin ka hriet. Inhlou tawn ta si lo, dam khawsookhai khawvel ka tong zet chu a hrat lem le a dawng lem thu khawm a lo ni ta naw ie. Pa le pa naw khawvel khel a nih. An tuol kan hang tung zet chu, sipai za hotu sutu (chawl) hmanga suok, in lut kar nghakhla ang elin Pu Keivom chu changpar deuin kawt khawm kik hman lovin “Khaw'm in pi teh?”, a hei ti le inruolin pen thun vel chu a lo pen lut hman der nghan a. Ruolpa Samuel Darsuolalin, “Da, confidence chu ei tlasam naw zawng tak a nih”, a ti kha ka hriet dawv vawng vawng.

Naupanghai chun, “A zal” an ti a. Zantieng nisa tlak tawm, pindan var rak loa inthawk chun lawn khawm lawn tlun hlei thei ta loin a hung pen suok det det a. A tha hrui inzam an lang thei po po le a vun mar thei ngai ta lo ding tawm inruol le inruol naw po po le chun a hung ngir suok

**EC in RK Nagar by-polls a cancel**

NEW DELHI: Election Commission in Chennai hmuna Dr. Radhakrishnan Nagar Assembly constituency bye-election nei ding chu a cancel thu a puonga a, political parties t henkhatin EC hmakalna chu an lawm hle. Voters hai zawna a pawisa thedar nia hril leia EC chun inthlangna nei ding hi a thul niin, political party thenkhatin ‘fool-proof system’ hmanga suichiengna nei ding an phut a, chuong thil chu hmatienga tlung ta ngai lo dinga an dit thu an hril bawk.

**Churachandpur Weather Forecast: April 11, 2017 (TUE)**

TUE MORNING	TUE AFTERNOON	TUE EVENING	TUE OVERNIGHT
Chance of a shower	Chance of a shower	Mainly clear	Partly cloudy
			
21°C Feels like: 21 POP: 40% Rain: ~1 mm Wind: 10 km/h W Wind gust: 16 km/h Humidity: 75%	28°C Feels like: 28 POP: 40% Rain: ~1 mm Wind: 15 km/h W Wind gust: 20 km/h Humidity: 79%	18°C Feels like: 18 POP: 20% Rain: - Wind: 5 km/h W Wind gust: 7 km/h Humidity: 89%	15°C Feels like: 15 POP: 20% Rain: - Wind: 5 km/h SW Wind gust: 6 km/h Humidity: 87%

The Weather Network

**Nagaland sawrkarin maternity leave a sukpong**

DIMAPUR: Nagaland sawrkar chun Central Civil Services (Leave) Rules, 1972 dungzuia thawktu nuhmei haiin maternity leave ni 90 sung an nei thei chu ni 180 in a sukpong pek. Nagaland sawrkarin CSS (Leave) Rules, 1972 a zui a, a pawimaw dungzuia amendment thaw pei niin Department of Personnel & Administrative Reforms in memorandum an suksuoka chun a tarlang.

CCS (Leave) Rules, 1972 amendment thaw thar dungzuiin, Nagaland state sawrkar thawktu nuhmei hai chu nau 2 an neina chenin ni 180 sung maternity leave an hmu thei ta

ding a nih. Maternity leave a lak sung chun thawktu in hlaw hmung a ta, a hlaw panggai chu iengkawm cut um lovin a kima hmu dinga ti a ni bawk.

Nau 2 neka tam an nei hnung chun thawktu nuhmei haiin ni 45 sung chau maternity leave chu la thei tang an tih. Chu khawm chu medical certificate le doctor recommendation t hatak neitu hai chuin hmu thei an tih. Maternity leave chu leave dang danghai leh sukawp thei ding niin memorandum chun a hril a, leave dang an lak beksa khawmin an leave balance a inthawk ‘debit’ lo dinga ti a nih.

**Mithi hnung kum 10 sung intang ding**

AIZAWL: Kum 2014 a ruolbanlo suolluutu le a thi tah anga insal, Muni Rai chu kum 10 sung intang dingin Lunglei additional district & sessions judge, Helen Dawngliani in themnaw an changtir. Muni Rai chu rimsi taka intang dinga ti a na, Rs. 70,000 chawi dinga ti a ni bawk. Pawisa chawi ding chu a pek a ni chun, section 357 CrPC dungzuiin suolluuta um sungbai zangnadawmna anga pek ning an tih.

Suolluuta um nu a pa chun, November 27, 2014 khaan a nauu In-a ama khat chaw a um lai Muni Rai chun a suolluuti niin Lawnglai police station-ah FIR a thelut a. Rai chu manin section 376 (2) (1) IPC besana thubuoi siem khum niin, a case chu court insang lem Lunglei court-ah thawn a nih. Hun tawite jail-a khum a ni hnungin, bail a insuo nawk a na, chu hnungin court-ah inlang ta lova umin zawng suok thei khawm a ni ta naw a nih.

Hun iemanichen liem

hnungin, Rai a nuhmei chu court-ah inlangin a pasal chu a thi tah niin a hril a, a death certificate khawm court-ah a peklut a nih. Chu thil chu court in a ringhla leiin death certificate a hmang ziektu chu inbiekpuina a nei a, certificate chu a tehlem a nih ti hrietsuok a nih. Death certificate-a a hmang indiklo taka an lo ziek leiin, certificate tehlema pesuoktu anga um khawmin FIR a thelut bawk.

Chu hnungin court-ah information indiklo a pek leiin Rai a nuhmei chu man le jail a khum a na, a pasal chu a thi nawh a, certificate chu an siem fawm thu a hril suok ta a nih. Court in Rai a manna ding warrant an suo nawk a, police haiin theitawp suoa an zawng hnungin, Kolasib hmunah an man nawk a nih.

Rai chu hriepuitu (witness) 7 hai leh court hmaa inlangtir a na, chu huna chun a thilsuol thawna leia themnaw inchangtir a nih.

**President in Bangladesh PM banquet siem pek**

NEW DELHI: President Pranab Mukherjee in zankhan Rashtrapati Bhawan-ah New Delhi hmuna cham mek Bangladesh Prime Minister Sheikh Hasina chu banquet a siem pek. President chun Bangladesh PM chu an zana suklagna dinga chu thil chu a thaw pek niin, Prime Minister Narendra Modi, Union Cabinet members, Congress President Sonia Gandhi le West Bengal Chief

Minister Mamata Banerjee hai khawm banquet a chun an thang ve.

Banquet nei hma in Rastrapati Bhavan a Ashoka Hall-ah cultural programme hmang phawt a nih. Zani hmasak khawm khan Rastrapati Bhavan-ah Bangladesh PM chun President inhmupuina a lo nei ta bawk. Bangladesh PM chu ni 4 sung India a cham dinga Zirtawpni a kha New Delhi hung tlung a nih.

**Karol Bagh-ah Tanzanian mi rawk**

NEW DELHI: April 7, 2017 khaan Tanzania mi nuhmei pakhat chu Central Delhi-a Karol Bagh hmuna rukru han an rawk a, Rs. 7 lakh, US dollars 6,000 le a sung hai mi 3 Passports hai umna Bag lakhang pek a nih. Hi hma hin Delhi-a Kotwali area hmuna German mi pakhat chu surgical blade hmanga bei le suom a lo ni ta a, German mi suomma inrawna neia intum mi 3 chu Police han zani hmasa khaan an man tah.

Tanzania mi suoma um

nupui hi Farima a ni a, an naute kum khat le a chanve mi damdawi enkawl dinga a sung hai le Delhi-a hung an ni a, kar hmasaa kha an ram tieng kir nawk tum ta an ni a, sienkhawm treatment an la zonaw leia la chambang an nih.

A bag hi China Town Hotel bul lai motorcycle a chuong mi pahni han an inchuthlak a ni a. An passport hai lakhang pek a ni bawk leiin chahai deuin an um el nia hril a nih. Police chun hi thil tlung hi an suizui mek.

ALL INDIA RADIO: CHURACHANDPUR PROGRAMME		
Date: April 11, 2017 (Thawleni)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcements Mangal Dhvani
5.00pm	P	Hmar Devotional songs: Blessed Choir
5.05pm	P	Local Announcement/Prog. Summary
5.10pm	P	Mimor Dialect (Korn): (Mod/folk)
5.25pm	P	Scient Hints (Hmar):
5.30pm	P	PAITE Prog. Sig. Tune & Announcement Announcer: Chingaihem 1) Ningkhoching & party (trad) 2) Value of life- G. Khupchinthang
6.00pm	P	HMAR Prog., sig. Tune & Announcement Announcer: Kamminlun 1) Sinlung Artists (patriotic) 2) Christina Ronekim (patriotic)
7.00PM	P	THADOU Prog., sig. Tune & Announcement Announcer: Vahkhohlam 1) Hoineilam Hockip & party (dev)
		Farm & Home: Hmar 1) Khawmawi Male Voice (dev) 2) Talk: Thingkawlkai chingdan - Lalrosung



**LAKTAWI**

**J&K-ah phalna  
boa ramri kantu  
helpawl 4 kaphlum**

JAMMU: Kupwara district sunga Keran sector hmuna Indian Army duty haiin zanikhan phalna boa ramri kantu helpawl 4 an kaphlum. Zani zingkar inhma tak khawvar hmaa thil tung niin, helpawl hai chu a ruka Pakistan a inthawka hung lut tum an na, chu lai hmuna duty Indian Army haiin an hmu pal lein an inkapto pka ta a nih. Hun iemanichen an inkapto hnungin, helpawl 4 hai chu kaphlum wawng an nih.

**Nagaland mi Punjab-ah eksiden leia thi**

KOHIMA: Phagwara, Punjab-ah Nagaland mi Lovely Professional University a BSc III year inchuklai Ausam (20) chu eksiden leia thi. Nagaland mi tho Yopito le Chhattisgarh mi Nikhil leh an pathumoin Bha ta a nih. Inphur a, Red Light Chowk (rest house) bul lai Trola hrat taka tlan leh an inbaw a, a ruolhai pahni khawm na takin an hliem ve.

A ruolpa Yepeto Khuzumi chu a hliem irik zuol a, ICU a enkawl mek a nih. Thil tung le inzawmin police haiin Sections 279/337/338/427/304-A besanin thubuo an zieklut a, Trola driver chu tum a ni ti hriet a la ni nawh.

**UP a sin neilo state  
dang hai po neka  
tam lem**

NEW DELHI: Uttar Pradesh hmuna chun mipui an tam ang bawkin sin neilo khawm an tam hlea hril a nih. Zanita Lok Sabha inthungna-ah Labour Minister Bandaru in chu chungthu chu sawrkar tharin a ngaiven vat ding niin a hril a, UP hmuna sin neilo chu state danga mihai po haia mi belkham nek khawmin an tam lem niin a hril.

India pum huopa sin neinawna (unemployment rate) chu 5.8% a na, tlangram khuo haia sin nei lona chu 3.4% niin khawpui-ah 4.4% a nih. Uttar Pradesh a chun sin nei lona chu 5.8% a na, khawpui-ah 6.5% niin ansang hle thu Labour Minister chun a hril.

Labour Minister chun UP sawrkar thar leh hi chungthu hi sukfel vat a ni theina dinga hma a lak tlangpui ding thu a hril a. Sin neilo haiin sin an hmu theina dingin 'Job Melas' tum 470 nei a ni tah a, chu hai laia 21 chu UP hmuna nei niin a hril baw.

**Boko Haram han  
mi 8 an that, nuh-  
mei an (thuoihmang)**

KANO: Nigeria rama Maiduguri a chun zani hmasa khan Boko Haram jihadis pawl han Pick up Truck sukchawlin a sunga chuong mi 8 hai an that bakah nuhmei pakhat an thuoihmang. An mi that hai hi meian raw baw niin ei thu dawngna chun a hril a, mi pakhat chu damin a tlangsuok.

Nigeria rama Boko Haram hai chetna lei hin kum 8 liemtata inthawk tuchena hin mi 20,000 in thina an tuok ta bakah mihriem 2.6 million vel an raltlan ta a nih.

**PM office tuolah TN loneitu  
han an thuomhnaw an hlip**



NEW DELHI: Loan sukbo ding le drought-relief package pe dinga sawrkar an phutna le inzawmin, zanikhan Tamil Nadu loneitu hai chu Prime Minister a office tuolah an thuomhnaw hai hlipin protest an nei. Tamil Nadu loneituhai chun March 14, 2017 a inthawk Jantar Mantar hmuna protest an nei tan ta a nih.

Jantar Mantar a inthawk Prime Minister's Office (PMO) chenin loneituhai chu police haiin venghimna sin an thaw pek a, PMO a chun an thil phutna le inzawmin memorandum an peklut. PMO tuola an um sung khawm police haiin an veng zing a, memorandum an peklut hnungin Jantar Mantar chen an va thak nawk.

**Thingpui huon manager  
in kum tlinglo suollui**

GUWAHATI: Assam rama thingpui huon 'Bogid-hola tea estate' manager Animesh Bhuyan in kum 13 mi a suollui. Animesh Bhuyan chun ama chengna In ngeia nuhmein chu a suollui niin, a In-a insung thil thaw dinga a hmang hlak a na, a sinthaw lai sukchawlin a suollui a nih.

**Spain nuhmei Defence minister  
hmasatak Carme Chacon a thi**



MADRID: Spain nuhmei Defence Minister hmasatak le socialist party leader inlar Ms Carme Chacon (46) chu April 9, 2017 khan a chengnainah a thi.

Ms Chacon hin kum 2008-2011 inkar khan Jose Luis Rodriguez Zapatero Prime Minister nina hnuoiah Devence Minister sin a lo chel a, Defence minister sin a chel khan thla 7 mi nau pai lai a nih. Spain armed forces sukmasawna kawnga ngirhmun pawimawtak nei le thaw hlak em em el a ni a, a nau nei zo a inthaw lung tiengpang natna hi a hung nei tan nia hril a nih. A thi nasan chie hi hriet a la ni nawh.

Defence ministry-a minister a chel hmian Minister of Housing khawm lo chel ta a nih. Kum 2011 a Zapatero in national electiona hratna a changzonaw leia an ban hnung khan PSOE party post an chu ve a, sienkhawm Interior minister Alfredo Perez Rubalcaba chu a hne zonaw a nih.

**Lok Sabha in Motor Vehicles (Amendment) Bill, 2016 a passed**

NEW DELHI: Zanita Lok Sabha inthungna ah Motor Vehicles (Amendment) Bill, 2016 thu hril tlangna nei a na, opposition haiin amendment thaw dinga phutna an siem hai hnawlin Motor Vehicles (Amendment) Bill, 2016 chu voice vote a passed a nih. Bill thar passed a um hin inruu puma motor khal, ti-um taka motor khal, thil phur rawn taluo (overloading) le safety reasons zuiol drivers hai ta dingin hremna dan a sukchau ta ding a nih. Bill chun minaran le transporters hai chu service tha tak peng a ta, motor khal inchukna license thangin, online service hran hran haiah Aadhar makmaw a siem dingin rawnta a siem baw. Online services hai chu khal le strict lema thaw dinga ti a na, chu thil chun license tehlem siemna a dang pha dinga ring a nih.

Bill thu hriltlangna an nei lainin, Road Transport and Highways Minister Nitin Gadkari chun India-ah kumtinnin road accident 5

**PM in 'Mahatma Gandhi exhibition' a hawng**

NEW DELHI: Prime Minister Narendra Modi in 'Champanan Satyagraha' kum 100 a tlingna le inzawma exhibition programme siem 'Swachhagraha - Babu Ko Karyanjali' hawngna a nei. 'Champanan Satyagraha' chu India pa Mahatma Gandhi hmalakna a indin niin, India mipui tam takin an thlawp a nih.

Exhibition huna chun 'Champanan Satyagraha' suklagna nei a na, Satyagraha le Swachhagraha principles hai pawimaw zie suklagn an nih. India sukfaina ding le inzawma hmalakna 'Swachh Bharat Mission' khawm exhibition huna hin suklagn ning a ti. India mipuihai chu Swachhagraha ni dinga insukfaina an nei pha 'Swachh Bharat' ei siem thei ding thu PM in a hril.

**Naidu in 'Gandhi in Champanan' tlangzarna nei**

NEW DELHI: Information and Broadcasting Minister M Venkaiah Naidu in zanikhan New Delhi hmuna function neina ah 'Gandhi in Champanan' ti lekhabu tlangzarna a nei. Function huna thu a hrilna a chun, heritage publication haiin an buotsai lekhabu hlutak tlangzar theia a um leia a lawm thu a hril. Zanita programme chu 'Champanan Satyagraha' in a kum 100 tling lawmna a nih. India pa Mahatma Gandhi hringnuna inthawka inchuk ding tam tak a um thu, inggaitlawm-

**102nd Constitution Amendment Bill, 2017 LS-in a passed**

NEW DELHI: Zanikhan Lok Sabha in OBC haiin Scheduled Castes le Scheduled Tribes hai anga National Commissions an nei ve theina ding 102nd Constitution Amendment Bill, 2017 a passed. Lok Sabha a chun vote thlak a na, members hai hmun thuma thea hmun hni (two-third) in an thlawp leia Bill chu passed a nih. Selkaltu pawl haiin sawiselna le amendment thaw belsa dinga an hril hai chu hnawl pek an nih.

Lok Sabha chun National Commission for Backward Classes (Repeal) Bill, 2017 khawm a passed a, chu Bill chun Na-



Mahatma Gandhi in India rama Satyagraha a thaw hmasatak kum 100-na chu April, 2017 hin a tling tah a. Kum 100 liemtah khan Champanan hmuna mipuihai sukmasawna dingin Mahatma Gandhi in sin tam tak a thaw niin Raghendra Singh, Director General, National Archives chun a hril. 'Champanan Satyagraha' hmalakna chun education, skill development, women empowerment

le faina tienga hmalakna khawm a huom sa a, Mahatma Gandhi lungril thienghlimna le inzawma Champanan movement a fepui hriet zingna ding le, faina thlarau sukdamna dinga exhibition chu thaw tak a nih. 'Champanan Satyagraha' kum 100 a tlingna le inzawmin, Bihar sawrkar khawmin kumkhat sung aw ding 'Mahatma Gandhi's Champanan Satyagraha' zanikhan hawngna a nei ve.

Broadcasting Minister chun Publishers hai chu 'freedom fighter' hai lekhabu insuo uor nawk zuol dingin infuina a nei a, chu thil chun thalai hai chona thar a pek ding thu le, an hrietna sukzaua mihuoisen hai hnung an zui pei pha a beisei thu a hril baw.

**Central Bank Customer in Rs. 1 crore a man**

NEW DELHI: India rama Digital payments promote-na le inzawma Grahak Yojana le Digi Dhan Vyapar Yojana hnuoia digital payment fethlenga thil inchawtuhai Lucky draw result pawl le puong a ni ta a, Central Bank of India (CBI) customer chun prize tam tak Rs. 1 crore a man. Prize dawngtu ding hai hi President Pranab Mukherjee in New Delhi-a Rashtrapati Bhavan hmuna a pawt dawm an ni a, second prize Rs. 50 lakh chu Bank of Baroda customer in a man a, a pathumna Rs. 25 lakh chu Punjab National Bank customer in an man.

**Pakistan court in India spy that dinga a chungthu rel**

ISLAMABAD: India ram ta dinga entlatu (spy) sin thawa intum Kulbushan Jadhav a chungthu zanikhan Pakistan military court-ah ngaituona nei a na, intuma a umna chu thudik a pawm niin, Pakistan ram dan kala sinthaw in India-ah Pakistan thu a peksawng hlak nia ngai a ni lein that dinga a chungthu rel a nih. Kulbushan Jadhav chu khaihluum dinga ti a na, Pakistan Army Chief Gen Qamar Javed Bajwa khawmin remtina a pek ta a nih. Kulbushan Jadhav chu kum 46 mi a ni tah a, March 3, 2017 a kha Balochistan province hmuna man a nih. Field General Court Martial (FGCM) in intuma a umna hai chu thudik a hrietchieng leia khaihluum dinga a chungthu rel niin Services Public Relations (ISPR) thusuok chun a hril.

**Eqypt President in thla 3 sung emergency puong**



CAIRO: Eqypt hmuna thawkhni zet Biekin-ah ISIS haiin bomb an sukpuok lein, Eqypt President Abdel-Fattah al-Sisi chun Eqypt ram chu thla 3 sung emergency a puong a, khawpui haia hmun pawimaw hai chu venghimna uluk lema thaw dingin military special forces le police hai thu a pek. Eqypt hmuna Biekin sunga bomb puok zo khan Sisi chun National Defence Council meeting a ko a, ama in chair la in Prime Minister, Parliament Speaker, Defence Minister le Egyptian armed forces a commander hai meeting a chun an thang. Meeting

**BETHESDA COLLEGE OF NURSING  
Muolvaipei, Churachandpur**

**ADMISSION NOTICE**

BETHESDA COLLEGE OF NURSING invites a female candidate for admission to B.Sc. Nursing and General Nursing & Midwifery (GNM) course for the year, 2017.

**ELIGIBILITY:** (1) B.Sc (N) = Class XII Science (PCB & E)  
(2) GNM = Class XII (Arts/Science)

**Application Procedure :** Application form & Prospectus can be obtained from the Office at Muolvaipei on all working days.

*Last date of form submission: 22nd May 2017)*

**Contact No. 9615784636**

**SIEMAT CHRISTIAN HOSPITAL  
& RESEARCH CENTRE**

Dr K. Romen Singh (Eye Specialist) DNB (Ophth) MNAMS Fellow in Retina and Vitreous Surgeries pan nuom hai chun Date 13th April, 2017 zing dar 10 A.M. in Siemat Christian Hospital-ah in cp/an thei ning a ti. Mit (eye) tienga harsatna neihai le Zunthlum leia Mit harsatna neihai ta ding khawmin pan thei ning a ti. Operation tul hai khawm thaw thei nghan ning a ti. Registration Fee Rs. 300/- ning a ta, ticket booking khawm thaw thei zing ning a ti. Chun, nitin Monday-Saturday 9:30A.M. - 4:00PM chen Siemat Christian Hospitala Computerized Eye Check-up thaw nuomhai khawma pan thei zing ning a ti.

**Registration Fee Rs. 200/- ning a ti. Contact No. 91 9862853047**

**PUBLIC NOTICE**

10/4/2017

Kan lo, Saikawt Lourup No. 100, Patta No. 100/30/286, ka hmung Mrs Donkhanching, w/o (L) Rothangpuia leh ka fanu Ms Esther, d/o (L) Rothangpuia of Muolvaipei Village hi kan hriatpui lovin tumah in an zuar thei lovg. Kan hriet lova he kan hmung lo Patta No. ziaka awm hi lo lei palh in awm chun an lei thlawm tihna a ni a, a mawh pawh a leitu in a phur ang tih mipui kan rawn hriatitir a ni.

Pattadar holders  
**1. Donkhanching**  
w/o (L) Rothangpuia  
**2. Esther**  
d/o (L) Rothangpuia

**THINA CHUNGA LAWMTU HRILNA**

Kan nauu (L) Mrs Ramsiemmawi, d/o Upa L. Simga of Rengkai, Muollhlum in natna khuma zala hun imanichen a hmang hnungin Tarik 8th April, 2017 (Inrimni) khan RIMS Hospitalah a mi boralsana, natna rinum tak tuora damdawi ina a um laia, u le nau mi lo sawmdawltuhai po po chungah lawmthu kan hril a. A bik takin, Imphal HYA hai, thisen pek a tul huna hai le, thangpui kan ngaina tinrenga, harsa le rinum pawisa lova hman-gai taka mi sawmdawltuhai chungah lawmthu kan hril baw.

Chun, a ruong hung phur hun laia ruoltha le laina khawm hril ngam lova kan um lainin, a ruong tuok dinga tlawmngia tha le zung chau ni lova, man motorhai keidawka khang zo zai lampui intluona mawi le ropui taka kan nauu chawimawi a, a chengna In Rengkai Muollhlum min tungtirtuhai po po chungah lawmthu kan hril a nih.

Chun, Kohran nu le pahai, Pathien kuoma mi lo lawngtaipektuhai po po chungah khawm lawmthu kan hril takzet a nih. Chun, Rengkai nu le pa, val Upa, nunghak-tlangvalhai zan khawvara mi mengpuituhai le a ruong mawi taka min thlaliempui tuhai po po chungah a tharin lawmthu kan hril takzet a nih. Kan chungah in thalna po po thunglet theinaw inlang cheu khawm Pathienin malsawmna tam tak vura thuoii pei ding cheuin ditsakna kan inhlam cheu.

In hmangaina dawngtu-hai  
- Upa L. Singa (A pa)  
- Mrs Remzel (A nu)

**LAWMTU HRILNA**

Inhnawm harsa ka tiin ka tawl a na hlak a. A chang leh ka kawng a na, a kan hnawmna a inthawk thisen a suok hlak a. MV Azad Phusam ka pan a, a mi enkawl a inthawk ka hung dam ta a. Ami enkawl damtu chungah hin lawmthu ka hril. a pan nuom han Old Bazar, Teddim Road, Near ICI Church Road-ah pan thei le contact Nos. 8014025567/ 7628890261 haiah ngaiven thei a nih.

*Time- 8:30AM to 3:00PM*

**Sd/- Robert**  
PCI Colony

**Eqypt President in thla 3 sung emergency puong**

an nei chu thla 3 sunga tum hni an neina a nih. Meeting an nei huna chun, terrorism le extremism hai dotu ding sipai huosen le chunghnung lem siem an ni ding thu Sisi chun a hril. Tuta emergency puong sung hin Eqypt police hai chu military special forces haiin thlawp dinga thu pek an na, Eqypt khawpui tum tuma hmun pawimaw hai chu venghimna uluk taka thaw dinga thu pek an nih.

Zani hmasak khan Eqypt khawpui Tanta le Alexandria haiah tum hni zet Biekin sungah bomb a puok a, bomb hai chu ISIS haiin an ni thaw a ni thu an puong tah a, bomb puok lei chun mi 45 thiin midang 120 velin hliemna an tuok pha a nih. Bomb hmasa lem chu Coptic church-ah sukpuok a na, a nuhnung lem chu Alexandria hmuna Saint Mark's Coptic Orthodox Cathedral-ah niin, thichil bomb paitu in bomb a sukpuok a nih.

Eqypt sawrkarin hmalakna a fepui chu United States le rambung tum tum haiin an thlawpna thu an puong a, ISIS hai chetna chu an demna thu an puong tawl baw.



Camilla Britain Queen La Hung Ni Ding

LONDON: Mi tamtak le Queen Elizabeth nan Lady Diana nêkin an dit naw lema chu Prince Charles-in a dit lem, tuta Duchess of Cornwall, Camilla Parker...



Hull professor chun a hril. Tamtakin Camilla chu nuthlawi a ni lein Queen nina nêka inhuoi Princess title pek a ni el thei tia an hril lei a nih. "Ama (Camilla) title danga ko/ni a nuom a ni ngawt naw chun Queen Consort a ni ding a nih" tiin a hril.

Prince Charles kona tlukupi dinga awm ti a nih a. Chu chu a pasal King a kai hnung khawma put sawng dingin tamtakin an ring a nih, ama khawma put a nuom an ring lein. Amiruokchu, a pasal King a ni tah chun ama chu Queen a ni ding a nih. Hi nina hi tulai hnaia Europe an inzin kuol velnaa a pasal a thlawp dan haia

inthawk khawmin a fit tah ti a suklang tiin an hril bawk. Camilla hi a thilthawhai, mimal a langsar rak nawa chu Royal Family an nina anga sin chi hran hran thawna, a pasal a thlawpnaia chu an lang tha pei a. Cameramen le journalist hai khawm pawl a thiem a, official engagement a neihai char coverage pe thei ding le mimal thil chu pholang lo dingin a thlawp thiem a nih. Vantlang hmaa inlang chi le chi naw a thlierhrang thiemna hi Lady Diana le an inang nâwna a nih. Journalist pakhat chun, Princess of Cornwall, Camilla hi professional tak a nih. A thilthaw (role) haia hin a puilting thei em a, a mimal inhnikna: osteoporosis le domestic violence hai khawm an hnikiin promote a thiem

bawk a, official taka pholang dan a thiem a nih. Journalist le photographer hai sin a mi thawpui thiemna, chu chun nasatakin thil a sukawlsama a mi sawkzangkhai a nih" tiin a hril. Royal Family sângah khawm, tuhin chu Camilla hi Queen Elizabeth khawmin a siemlien pei a. A chungnungtak le pawimawtak laia mi a nih tah. Kum 2016 kham Queen chun Private Councillor-in a ruot a, ama aini official engagement hai a thaw vawng thei tah a nih. Charity works a thilthawhai Diana le Kate hai angin newspaper le media haiah an lar ve nawh a, newspaper chuong rawn naw hi a ta dingin a thalem a nih. A pasal nêka inlâr lem ding an veng tlat lein inlâr a nuom nawh a, a pasal chawimawi a thiem a nih.

Kim Naunu North-in Rs.2.64 Bag Leh Inkhâwm



Los Angeles: Milar le hausa nau ta chawk chawk chu nuhai an entawn hrât khawp el. Kim Kadarshian le Kenye West hai naunu North (3) chun, naupang tamtakin Barbie le bag lem an inhnelpui laiin, khawvêla fashionista hausa pahni nau a nina suklangin hand bag Rs.2.64 lakh vel (\$4,000) man le nute Kourtney Kadarshian inkhâwm fe a zui a. Hril le en a hlawtak a nih.

A sam hlim tung vawngin Rabbit angin (two buns) a khit ve ve a. A nute nauhai (cousin) Mason le Penelope haileh Biekin inkhâwm an hei kai chu Pathien thu nêkin anni an ngaiven lem am a nih ti dingin a um a nih. A nu Kim Kadarshian chun, a naunu North hi ni danga a thil ditdan a hung inthlenga, color a ditzawng khawm Pink a nih tah tiin a hril a. Biekina inkhâwm fe ding khawm hi style nei meta incheia varzang deua fe a nuom hlak niin a hril a. A naunu chu simple deua inchei dingin a zirtir hlak niin a hril bawk. Simple deua an incheina bag mei



mei khawm nuoihni chuong man "naupang bag" a nih chu.

Kourtney Kardashian khawm skin-tight Jeans leh, jacket infulol hring (duster coat) Rs.50, 000 man hnuoih tawnzau awm inlang vawng hâkin Pathien zing inkhâwm Church a fe a. Tukhawma "Jean a buna" an ti nawh. A nauhai Mason, half pant le zakuo dum, mawzo bo puon pheikhaw le Penelope-in thulo zakuo pawl le mawzo bo pheikhaw bunin a sam Rabbit buns, North angin a hlim tung vawng ve a. "Inkhawm fe dingin an inchei tâwp taluo, ti nêkin an incheina hai hlutna ngawt inkihiin tamtakin chun hun an lo hmang a nih. Bible an chawi ruok chu hmu ding a um nawh a. Kourtney hin inchei dingin a zirtir hlak niin a hril bawk. Simple deua an incheina bag mei

Vicky Pattison le John Noble, Dubai-ah Inkiss



DUBAI: "Ex On The Beach" le "Geordie Shore" star ve ve a, February a Vicky-in "The one" tia a pasal ngei ding nia a hriet tah John Noble hai pahni chu hmun hran an fang kuol hnungin Pathienni kham Dubai ah chawl hmanga an um lai hmu a nih a. Chu chaw chu an nawh, tu dang ngai lo le tukhawm veng lova inggai tak an infâwp mâwl mâwl lai hmu a nih bawk.

suklangna dingin le fans hai suklawmna dingin an pose teu bawk a. Instagram-a fans hai kuoma a hril dan chun, hienga hun hlimum tak a hmang hi a ta ding chun "Mini V Nutrition" t ha tak niin a hril. "Dubai kan inzinna chu an hawi kher el. Ka ta ding chun "health le fitness" Mini V Nutrition" a ni ringawt. Ei nuom nuom tuomhnaw hâka, nuomna na inzin a, hrisêl taka mâni hringun inhawî taka chen thei bâka hlu le inhawî umin ka hriet nawh" tiin a hril.

"John hi a ni ding takpa chu a nih, ka lungrila hi-hmawna a um ta nawh. Pasala neia ka umpui ding chu a nih, nau le te chu thudang a la nih. Inneina ropui tak le romance la nei phawt ding. Tuta ka hlim ang nêka ka hlimna a la um nawh a. Hieng ang feeling hi ka la nei ngai naw bawk. Phîng sînga nau pai ding chu ka la nuom nawh. Ka hmangai hlea nei khawm ka nuoma chu thla 9 zet phîng sînga mihrimem hei pai ding chu, ka taksa (figure) suksie a, ka career suksetu ding chun ka la nuom naw a nih" tiin a hril.

Jennifer Le Ben Affleck Biekin Inkhâwm Fe Dun



LOS ANGELES: Nupa inrem naw, inthe mekhai khawm Pathien thu chun a sui kawp nâwk hlak. Chuongang deuh chun, nau pathum nei hnunga June 15 a inthe, lan mak fel lo Jennifer Garner le "Batman" Ben Affleck hai khawm Pathienni kham an nauhai pathum leh Brentwood Biekin ah inkhâwm an kai sêng a. Tinin Ben-in an nau upa tak Violet (13) chu Karate inchuk dingin a fepui a, an nupa nun khawm tak tieng a pan pei nisien a hawi.

a hung a, a la nal kher el. Ben khawm a zu dawn nghei zo Rehab a inthawka hung suok a khak inhmul thurin coat inhawng huoiin a hung a. A thau meta a hrisêlna khawm a tha pei tah niin an lang. Jennifer le Ben Affleck hi an inthe a, inmâkna tak tak ruok chu an la final nawh. Ben Affleck chun treatment a thaw a, thla hmasak kham a zu dawn nghei thei taa inhrilin a hung suok a. Biekina inkhawmah a hei fe ve phawt a na, iem a hung ang pei ding hunin la hril a tih.

Jennifer hi zakuo le puonbil inkawp a dum vara tiel hâkin, sunglass dum le pheikhaw hru nei dum bunin bag dum leh, an naupa kei hruoiin inkhawma

Hienglai zing hin an nu Jennifer "13 Going On 30" star chu a la nunghâk bawka chu in khat nu a nina le nau pathum neitu a nina angin "Planned Parenthood" program ah a t hang zing a. Fakzawngna tieng a buoi ve em em a. A film thar "Simon Vs The Homo Sapiens Agenda" le "Juno" hai a thaw zing bawk. Ben khawm "Batman" film hlâwtling taka siem tumin thang a lak zing bawk.

Selena Gomez Sex Video Kan Nei: Celeb Jihad

LOS ANGELES: Khawvelah Jihad puonga hnam tin sakhuo tin an do anga, celebrity hai dotu, milar le milienhai dotu bik dinga online helpâwl, celebrity hai saruok thlâlâk le video inrua sukmuolphona dinga social media haia thedar hlaktu Celeb Jihad chun Selena Gomez le The Weeknd sex video (morphed video) an nei niin an inhril.



Celeb Jihad haiin video an post hi Selena Gomez Black Sex Party an tih a. The Weeknd mobile phone a inthawka an lakdawm niin an hril a. The Weeknd (Abel) in a mobile phone hmanga siox an hmang lai a lo record niin an hril bawk. Selena chu midum tamtak le sex nei lai anga record a ni a. Gossip Cop ruok chun hi video hi siemfâwm a nih a tih ve.

Hienglai zing hin Selena Gomez chu Pathienni kham zakuo eng le Jean kekawr style thar dum le sunglass lien deu leh a lêng suoka, mit a tlai hle. Tattoo parlor pakhata inthawka a ruolhai pahni, "13 Reasons Why" changuhai pahni Alisha Boe le Tommy Dorfman hai le an hung suok lai hmu a nih a. Lungril tieng

en ve ngei hai sien a nuom leia a produce Netflix serial a suok a nih.

Selena hril dan chun, hi lekhabu Jay Asher ziek hi kum tamtak a inthawk kham a lo ngaina tah a. Movie-a siem tumin kum 7 vel a lo buoiipui/ngaituo tah niin a hril. "A message tak, feeling, a la pangai zing a nih. Ka tiem hmasatak kham Hannah angin ka um vein ka hriet a, kum sari hnungah khawm Hannah feeling angin ka la nei ve zingin ka hriet, a nêka nasa hmanin nih tain ka hriet" tiin E! News a hril.

"Chuleiin, a message le mihai, ieng kum khawm ni inla, hi chanchin le hin inlaichinna ei nei seng niin ka hriet. Mani le mâni inthamna hi kum bituk a um nawh a, a thei vawng a nih. Hieng anga mâni inthaw nuomna lungril le hun hi mi tinin ei tawng seng hlak a, ip bo el nêkin hrila sukbo tum lem ding a nih" tiin a hril.

Selena hin a tir chun Hannah lem chang hi a nuom a. Amiruokchu, celebrity a ninain a message tak a inthawkin mihai keipet an lau leiin thang tah lovin producer-in a thang lem niin a hril. "Film-a ka thang naw kha tuhin tha ka tih lem tah a nih, diktak chun. Takna le hlutna nei sien ka nuom a. Kei lo thang la chu controversy tamtak a um ka ring" tiin a hril bawk.

Mithiemhai hril dan chun, mâni le mâni inthaw pakhat Hannah Baker ama inthaw, a ruol mi 13 hai kuomah an thatna san hrilna keset a thawn seng thu a nih a. Selena Gomez hin tha a ti em a, tulai thangthar haiin

ENGLISH PREMIER LEAGUE:

Sunderland chu Man. United lakah an tlawm leiin relegation zone suoksan beiseina an hnuoi deu deu; Everton-in Champion lai Leicester City 4-2 in an hne



English Premier League hmawr bawk a hnai deu deu a, inkhel en nuom a um deu deu. Pathienni zan inkhelah Early Kick off-ah table mawngphaa um Sunderland le manchester United an inkhel a. Sunderland hi relegate thei dinga um zing le hrat pawimaw em em an ni a, anachu minute 13-naah an player Sebastian Larsson chun Ander Herrera laka a foul leiin Direct Red Card pek a nih a, hun tam lem mi 10 chau an thang tina a nih. Chu hma minute 30 naah Zlatan Ibrahimovic chun United ta dingin goal hmasa a thun a. Half zo char minute 46 naah Henrik Mkhitaryan chun goal dang

a thun sa a, hun tawp hma metin Marcus Rashford chun United hratina namng-hetna dingin goal pathumna a thun nawk a hun tawp chenah 3-0 in an hrat lem ta a nih. United an hrat dungzui hin Arsenal lekhe-lin table-ah palina an inhlangkai a, Manchester City hnuoi chara umin point paliin an inhuoi lem a, Game in hand pakhat an nei bawk. Sunderland ta dingin tuta season-ah league game wavi 31-ah wavi 21 an hratanawa char a ni a, an ta ding chun inkhel wavi 7 char uma hin an intang zo ring a um ta naw a, Division inhuoi tieng an liem ngei ring a ni tah.

Everton chun Champion lai Leicester City an mikhuol ve thung a, 4-2 in an lo hne a, pasarina an la ni zing. Hun intan hlim minute khat khawm a liem hma'n Tom Davies chun Everton ta dingin goal a thun nghal a. Chu zo char minute 4 naah Leicester chun Islam Slimani hmangan an hung rul nghal a. Chu hnungah Everton ta dingin Romelu Lukaku(23' & 57') le Phil Jagielka(41') haiin goal an thun nawk a, Marc Abrighton chun Leicester ta dingin goal dang thunsa sien khawm an hrat zo ta naw a nih. Tuhin Leicester hi 11-na an ni mek. Everton Manager Ronald Koeman chun,

'Tuta season sunga ding chun kan inkhel that tum tak niin ka la hriet a. Striker tha pawl Lukaku kan nei hi kan vangnei hle,' tiin a hril. Everton an hrat le inzawm hin an khelmuolah a zawnawawisari an hratina an tah. Lukaku hin Premier League goal tuta season sung 23 a thun tah a, Middlesbrough Club-in an thun po po nekin goal khatin a tam lem a nih. Hi inkhel hi kum 2012-a inthawka tiem tanin minute 10 a liem hmaa goal pathum thunna inkhel um sun a nih. February 2011 kham Newcastle le Arsenal 4-4 a an inang tumin minute liem hma'n goal thum thun a lo ni ta bawk.

14th STATE LEVEL MARTYRS' TROPHY: HYA Imphal chun Thangzalian Memorial Team 2-0 in an hne a, Zeal SC chun FC Phailenders 3-1 in an hna bawk



Zanikhan 14th Hmar Martyrs' Trophy inkhel pahni a um a. Pool E-a um hai an inkhel. A hmasa lemah HYA Imphal Joint Headquarters le Thangzalian Memorial Team an inkhel a. Imphal HYA chun 3-0 in an hne. Hi taka goal thuntuhai chu Sana(34'), Parick(61') le Asif(66') hai an nih.

Inkhel pahnaiah Zeal SC Rengikai le FC Phailenders an inkhel nawk a. Zeal SC chun 3-1 in an hne. Zeal SC ta dingin Jessey(4'), R.S(20') le Nelson(26') haiin goal pakhat seng an thun a. Phailenders ta dingin Linneithang chun minute 35 naah goal khat a thun bawk. Hi inkhel hi an inhnetawk hle a. Phailenders tiengin Penalty pakhat an hmu a, anachu an thun naw a, Second Half tieng inkhel thunun hle hai sien khawm goal an thunsap ta naw leiin a hrat naw lemah an t hang ta a nih. Zeal SC le FC Phailenders hai hi nikuma inthawka hung inlang tan an ni a, player an nei tha ve ve a, iemanichen an tung ve ve beisei a nih.

Table with match details: 14TH HMAR MARTYRS TROPHY 2017, FIXTURE: April 11, 2017, 1:00PM- Thenmuol FC v/s Central Lamka FC, 2:30PM-FC Ridil v/s Hmaveng YC, RESULT: April 10, 2017, 1:00PM- HYA Imphal- 3 v/s TMT-0, 2:30PM-FC Phailender's - 1 v/s Zeal SC - 3

US, Canada le Mexico han WC 2016



Football federation of US, Canada le Mexico hai chun FIFA World Cup 2016 hung um ding khi thangruola mikhuol tumin hma lak an tum nia hril a nih. Canadian Federation President Victor Montagliani chun, hieng rambung pathum haiin World Cup 2016 mikhuol tlang dingin inbiekrawna an nei ta thu a hril a, hi thua an thutlukna chu wavisun hin an puonglang ding nia hril a nih. FIFA chun 2026 FIFA

World Cup mikhuoltu ding hi kum 2020 khin a sukfel ding chau a nih. Mexico chun FIFA World Cup hi wavi 2- 1970 le 1986 hai kham a mikhuol ta a, tuchena hin FIFA World Cup rambung pakhat neka tamin wawikhat chau an la mikhuol a, chu chu kum 2002 a Japan le South Korea han an mikhuol kha a nih. Kum 2026 World Cup huna hin tuta teams 32 ni mek chu teams 48 a suk-pung a ni ding a nih.

SPANISH PREMIER LEAGUE:

Osasuna 2-1 Leganese; Celta Vigo 0-2 Eibar; Las Palmas 4-1 Real Betis

Pathienni zan kham Spanish Premier League inkhel pathum a um a. Celta Vigo chun Eibar an mikhuol a, mikhuol team 0-2 in an hrat. Eibar hratina goal thuntuhai chu Kike (13') le Pedro Leon(51') hai an nih. Eibar an hrat leiin parukna an inhlangkai a, Celta Vigo ruok chu a lailung takah 10-na an ni mek.

tieng hun tam lem hmang Granada chun Leganes an mikhuol ve a, inkhel tan tir minute 16 na chauah mikhuol tieng Leganes chun Dimitris hmangan goal hmasa an thun a, minute 36 naah Granada chun Penalty an hmu hlau a, chu chu Sergio Leon chun a thun a. Half chenah 1-1 in an inang tawh hri a nih. Hun tawp hnai minute 71 naah Sergio

Leon bawkin Granada ta dingin goal dang a thunsa a chu chu an hratapui ta a nih. Granada hrat hai sien khawm inkhel 31-ah point 20 chau an la hmu a, an hnuoi tak dawth an la um zing. Leganes ruok chu relegation zone chung charah an um ve thung. A tawpna takah Las Palmas chun Real Betis an mikhuol ve a, awlsam takin

4-1 in an lo hne. Las Palmas ta dinga goal thuntuhai chu Vincente Gomez(44'), Prince Boateng(49'), Jonathan Viera(62') le Jese Rodriguez(83' Penalty) hai an nih a. Real Betis ta dingin minute 88-ah Rafa Navarro chun goal khat a thun bawk. Las Palmas hi thun 13-na an ni mek a, Real Betis ruok chu 15-na an ni ve thung.